

Irailaren 1ean hasiko da Biteri Kultur Etxeko ikastaroetan izena emateko epea

■ Irailaren 1etik 5era izango da izena emateko epea eta jende gehiegi apuntatu ezker zozketa bidez erabakiko da zeinek hartuko duen parte ikastaroetan ■ Zozketa, behar izan ezker, irailaren 9an egingo da eta matrikula irailaren 11, 12, 15 eta 16an egin beharko da.

HASI dira aurten ere Biteri Kultur Etxean urritik aurrera martxan jarriko diren ikastaroak antolatzen. Aukera haundia dago ikastaro haue- tan: eskuekin gauza ezberdi- nak sortzen ikasi daiteke, gorputza eta ahotsa landu daitezke, argazkiak ateratzen ikasi daiteke, eta abar. Ikastaro gehienak kurso osokoak dira, urrian hasi eta maiatza edo ekaina aldera bukatzen dira. Hala ere badago kurso erdia irauten duen ikastarorik: argazkiak nola egiten diren ikasi nahi dutenei zuzendutakoa. Kur- so bukaeran urte osoan egin-

dako lana erakusteko emanaldiak eta erakusketak egiten dira Biteri Kultur Etxean. Ematen diren kurso guztietara jende asko apun- tatzten bada ere ikastaro arrakastatsuenak, yoga, saloi dantza eta egur taila izaten dira.

Izena emateko

Ikastaroetan parte hartu nahi dutenek irailaren 1etik 5era eman beharko dute izena. Biteri Kultur Etxeko iraileko ordutegia: goizeko 9:00etatik 13:00etara eta arratsaldeko 17:00etatik 20:00etara izaten da. Ikastarotako taldeek

jende kopuru jakin bat dute eta jende gehiegi apuntatzen bada zozketa bat egingo da ikastaroetan zeinek parte har- tuko duen erabakitzeke. Zozketa hau, behar izan ezker, irailaren 9an egingo da eguerdiko 12:00etan Bite- ri Kultur Etxean. Taldeak erabaki ondoren matrikula egiteko egunak, irailaren 11, 12, 15 eta 16 izango dira.

Prezioek gora

Matrikulen prezioei begira, nabarmen egin du gora ikas- taro batzuen prezioak lehen- go urtekoarekin konparatuta. Aurtengoan ikastaroen pre-

zioak ematen diren klase orduen arabera jarri dituztelako garestitu dira. Gehiena garesti- tu diren ikastaroak sesioko 2 klase ordu baino gehiago dituzten ikastaroak dira. Haurrentzako diren ikastaroak eta sesioko 2 klase ordu baino gutxiago dituzten ikastaroen prezioa gutxiago igo da, %4a igo da gutxi gorabehera.

Bestela lehen- go urtekoarekin konparatuta ez da aldake- tarik izan eskainiko diren ikas- taroetan. Iaz egur taila ikastaro- ra jende asko apuntatu zen eta hirugarren talde bat osatu zen. Aurten hirugarren talde hori mantendu egingo da.

Hernaniarrentzat merkeago

Herrikoentzat ikastaroen pre- zioak merkeagoak izango dira kanpokoentzat baino. Hala ere hernaniarrek ez dute ikas- taroetan parte hartzeko prefe- rentziarik izango.

Diru laguntzak jasotzeko aukera badu ikastaroetan izena ematen duenak eta horretarako baldintza batzuk bete behar dira. Diru laguntza horiek emateko kontutan hartuko diren baldintzak: izena ematen duenak zenbat ingreso dituen eta familian zenbat lagun diren. Diru laguntzei buruzko infor- mazioa izena emateko orri- arekin batera ematen dira. □



Saloi dantza, yoga eta egur taila ikastaroeta- ra apuntatzen da jende gehiena.

BITERI KULTUR ETXEA						
2003-2004 ikasturteko ikastaroak						
IKASTARO A	HASI	BUKATU	EGUNA	ORDUA	PREZIO A	KANPO KOEK
Plastika. Haurrentzat. 6-9 urte	Urriak 4	Maiatzak 29	larunbata	10:00-12:00	55 euro	71 euro
Pintura-marraskia. Haurrentzat. 9-12 urte	Urriak 1	Maiatzak 31	astelehena eta asteazkena	17:30-19:00	82 euro	105 euro
Pintura-marraskia. Haurrentzat. 6-9 urte	Urriak 2	Maiatzak 27	asteartea eta osteguna	17:30-19:00	82 euro	105 euro
Pintura (sakontzea)	Urriak 1	Ekainak 18	astelehena eta asteazkena	19:00-21:00	168 euro	220 euro
Pintura (hasiera)	Urriak 2	Ekainak 18	asteartea eta osteguna	19:00-21:00	168 euro	220 euro
Keramika	Urriak 1	Ekainak 18	astelehena eta asteazkena	19:00-21:00	168 euro	220 euro
Dantza kontenporanea	Urriak 2	Ekainak 18	asteartea eta osteguna	09:30-11:00	126 euro	166 euro
Dantza kontenporanea	Urriak 1	Ekainak 18	astelehena eta asteazkena	19:00-20:30	126 euro	166 euro
Tai-chi	Urriak 2	Ekainak 18	asteartea eta osteguna	17:30-19:00	126 euro	166 euro
Yoga (sakontzea)	Urriak 1	Ekainak 18	astelehena eta asteazkena	09:30-11:00	126 euro	166 euro
Yoga (hasiera)	Urriak 2	Ekainak 18	asteartea eta osteguna	19:30-21:00	126 euro	166 euro
Yoga (hasiera)	Urriak 1	Ekainak 18	astelehena eta asteazkena	19:30-21:00	126 euro	166 euro
Ahots teknika	Urriak 2	Ekainak 15	asteartea	19:00-21:00	84 euro	110 euro
Eskulanak	Urriak 2	Ekainak 18	asteartea eta osteguna	10:00-11:30	126 euro	166 euro
Muebleak zaharberitzea (hasiera)	Urriak 1	Ekainak 18	astelehena eta asteazkena	19:30-21:00	126 euro	166 euro
Muebleak zaharberitzea	Urriak 2	Ekainak 18	asteartea eta osteguna	19:30-21:00	126 euro	166 euro
Egur taila	Urriak 2	Ekainak 18	osteguna	18:00-20:30	84 euro	110 euro
Egur taila	Urriak 7	Ekainak 18	asteartea	18:00-20:30	84 euro	110 euro
Saloiko dantza (hasiera)	Urriak 7	Ekainak 18	asteartea	19:00-21:00	84 euro	110 euro
Saloiko dantza (sakontzea)	Urriak 2	Ekainak 18	osteguna	19:00-21:00	84 euro	110 euro
Saloiko dantza (espezializazioa)	Urriak 3	Ekainak 18	ostirala	19:00-21:00	84 euro	110 euro
Antzerkia	Urriak 4	Ekainak 19	larunbata	10:00-12:30	84 euro	110 euro
Harri taila eta eskultura	Urriak 4	Ekainak 19	larunbata	10:00-12:30	84 euro	110 euro
Argazkigintza (hasiera)	Urriak 1	Otsailak 4	astelehena eta asteazkena	19:00-21:00	90 euro	116 euro
Argazkigintza (sakontzea)	Otsailak 16	Ekainak 2	astelehena eta asteazkena	19:00-21:00	90 euro	116 euro

Telemar Itxastele, S.L.

RENOVE PLANA

Egundoko **ESKAINTZAK**
Etxe tresnatan eta mugikorretan.

Telemar Itxastele - Elkano kalea 13 - Tel.: 943 55 33 99 - 943 33 00 60

Jatetxea

Venta Berri

Arano - Nafarroa
(948) 51 40 18
Larunbatetan itxia

BIKAIN
OKINDEGI TX GOZOTEGIA

Eguneroko ogia beti bikain

Eziago poligonoa - Tel.: 943 550089
Elkano 12 - Tel.: 943 553142
Orkolaga 19 - Tel.: 943 331487
20120 Hernani

ERREMONTEA -CASINO KURSAAL TORNEOA



Ezkurrak izugarri jokatu behar izan zuen atzo Eizagirreri partidua irabazteko.

Biek irabazi, Ezkurrak partidua eta Eizagirrek finalerako txartela

■ Eizagirrek 18 tanto egitea nahikoa zuen finalera pasatzeko ■ Ezkurrak bigarren semifinala Zeberio Ilren kontra jokatu du larunbatean eta nahikoak ditu 24 tanto.

Ezkurrak 30
Eizagirrek 29

EZKURRAK eta Eizagirrek aspaldiko partidurik ederrena jokatu zuten atzo Galarretan. Ezkurrak irabazi zuen partidua 30-29 baina, Eizagirrek ere esku-eskura izan zuen, momentu bat baino gehiagotan. Partiduan 19 berdinketa izan ziren eta Galarretako giroa izugarri piztu zuen horrek. Sakez 6na tanto egin zituzten

eta sake errestatzen ere ondo ibili ziren biak. Azkenean Ezkurrak ondo botatuko bi partekoa altxata egin zuen tantoa. Azken finalerdia Ezkurrak eta Zeberio Ilk dute datorren larunbatean, 17:00etan, Galarretan. Ezkurrak nahikoa ditu 24 tanto finalera pasatzeko.

Promesen Bi-bitakoan Larrea-Urrutia finalean
Promesen Bi-bitako Txapelketak badauka lehenengo finalista

bikotea. Larrea-Urrutia dira finalera pasa direnak, Iturralde eta Ioni 35-30 irabazita, joan den astelehenean. Finalerdiko partidua oso ona izan zen, espero bezala, eta irabazleek lan haundia egin behar izan zuten 35garren tantora iristeko. Diferentzia sakean egon zen, Urrutiak 8 egin baitzituen eta Ionek 3. Finaleko bigarren bikotea zein den gaur jakingo da Matxin III-Agirrezabala eta Juaristi-Gaztelu bikoteen artean. □

ERGOBIKO JAIK

Telleriaren idiek irabazi dute Ergobiko saria

ATZO bukatu ziren Ergobiko jaiak. Azken egunerako utzi zituzten ekitaldi garrantzitsuenak eta jendeak ondo erantzun zuen guztietan. Egurdiko 12:00etan idi-demak izan ziren bigarren egunez jarraian eta Telleriak irabazi zuen, bi egunetako lanak kontatuta. Telleriaren idiek 58 plaza egin zituzten; Olasagastirenek 54; Izetarenek 50 eta Petritegirenek 48. Lehenengo 15 plaza azkarrena egiten zituenak sari berezia zuen eta hori Izetak atera zuen. Egurdiko Herri Bazkarian eta gaueko herri antzerkian ere jendetza bildu zen, eta giro ederrean egon ziren. □



Ergobin atzo egindako Herri Bazkarian 130 lagun bildu ziren.

CLUB DEPORTIVO HERNANI

CDHko urteko Asanblea gaur

■ Bazkideen kuota igotzea da gaietako bat ■ Asanblea arratsaldeko 19:30etan hasiko da, Sandiusterrin.

CD Hernanik urteko Asanblea du gaur arratsaldean. 19:30etan hasiko da Batzarra eta honako gai hauek hitz egingo dituzte: kirol ekintzei buruzko memoria; joan den denboraldiko memoria ekonomiko;

bazkideen kuota igoera; datorren denboraldirako aurrekontua; eta galdera eta erantzunen tartea. CDHk 500 bazkide inguru ditu eta denak daude deituta Batzarrerako, gaur, 19:30etan, Sandiusterrin. □

TIROA - GIPUZKOAKO TXAPELKETA



Joan den igandean saritutako tiratzaileak, Santa Barbaran.

Ezama errezildarra txapeldun eta hiru hernaniarrek sariak

■ Astarloa txapeldun 4garren mailan, eta Erauntz tamurgil eta Redondo 2 eta 3garren hasi berrietan.

JOAN den igandean Gipuzkoako tiro txapelketa jokatu zen Santa Barbarako tiralekuan. Ezama errezildarrak irabazi zuen txapela oso final estua jokatu. Desentate bat jokatu ondoren oraindik 4 lagun zeuden berdinduta eta *kale edo bale* jokatu behar izan zuten, tiro bakarrera.

Hernaniarrek hiru sari atera zituzten, bakoitzak bere kategorian. Astarloak 4garren mailako lehenengoa irabazi zuen; Erauntz tamurgilek hasi berrietan 2garren saria; eta Redondok kategoria berean 3garrena. Beste irabazleak: 1 eta 2garren mailan Sagartzazu eta 3garrenean Jauregi. □

HITZ BITAN

✓ EHIZA

Galeperra, tortola eta usoa garaia irekita. Galeperra, tortola eta usotarako ehiza garaia zabalik dago, joan den igandea ezkerotzik. Irailaren erdialera arte egongo da irekita, eta hor berriro itxi egingo dute urriaren bigarren astera bitarte. Bestalde, urtero bezala, garai honetan Arizmendiko ehiza postuak zozketan jartzen dira, Txantxangorri elkartearen. Zozketa egunero egiten da, 20:00etan, elkartearen bertan.

✓ MENDIA

Hernani-Urnieta-Goizueta mendi ibilaldiko diapositibak bihar Bodegan. Abuztuan urtero mendi ibilaldia egiten da Besabitik Goizuetara, eta azken 10 urteotako argazkiak ikusteko aukera izango da bihar Bodega tabernan. Emanaldia gaueko 22:30etan izango da. □

IRAGARKI MERKEAK

Pertsona batentzako, pisu baten alokairu merke baten bila nabil. ☎: 649 07 53 59. Gela bat alokatzen da, bulegoko lanak, klase partikularrak edota masajeak emateko. Zentroan. Interesatuak deitu: ☎: 943 55 29 47 - 943 55 46 97
Emakume bat behar da umea ikastolara eramane eta etxeko lanak egiteko. Sarrera 07:15etan. 943 333446 (20:00etatik aurrera) - 606 526260

ZERBITZUAK

☎ TELEFONOAK

▶Taxiak: 943 550093
▶Udaltzaingoa: 943 333288
▶DYA: 943 464622
▶Autobusak: 943 556662
▶Anbulatorioa: 943 006666
▶Jokalarri anonimoak: 943 331103

☎ FARMAZIAK

▶Egunez: Aizpuru
Latxunbe Berri 11
☎ 943 336077
▶Gauetz: Tanco
Urnieta. San Juan 36
☎ 943 550942